



Broj: 04/II-11- /23
Goražde, 05.04.2023. godine,

Upozorenje građanima na opasnost od šumskih požara

S obzirom da ulazimo u kritičan period za nastanak šumskih požara, kada se požari lahko izazivaju i brzo šire upućujemo upozorenje građanima Bosansko-podrinjskog kantona Goražde da svoje aktivnosti u prirodi provedu svjesno i odgovorno, posebno kada se radi o loženju vatre na otvorenom.

Podsjećamo da članom 33. Zakona o šumama Bosansko-podrinjskog kantona Goražde nije dozvoljeno loženje otvorene vatre u šumama i na šumskom zemljištu, kao i na drugom zemljištu na udaljenosti do 150 m od šume.

Novčanom kaznom od 6.000 KM do 8.000 KM kaznit će se za prekršaj korisnik šuma ili drugo pravno lice ako loži ili dozvoli loženje vatre suprotno odredbama člana 33. Zakona o šumama Bosansko-podrinjskog kantona Goražde.

Novčanom kaznom u iznosu od 200 KM do 1.500 KM kaznit će se za prekršaj fizičko lice ako loži vatru suprotno odredbama člana 33. Zakona o šumama Bosansko-podrinjskog kantona Goražde.

Krivičnim Zakonom Federacije Bosne i Hercegovine za izazivanje šumskog požara zbog kojeg nastupi šteta velikih razmjera, ili istovremeno izazivanje više šumskih požara, propisana je kazna zatvora od jedne do osam godina.

Za gašenje požara važna je pravovremena prijava nastanka požara, te je potrebno da svaki građanin, ukoliko primijeti požar obavijesti nadležne institucije:

- Profesionalnu vatrogasnu jedinicu na telefonski broj 038 221 326
- Kantonalnu upravu za šumarstvo Bosansko-podrinjskog kantona Goražde na telefonski broj 038 221 690
- Javno preduzeće „Bosansko-podrinjske šume“ d.o.o. Goražde na telefonski broj 038 221 040

DIREKTOR

Suvad Prelo, dipl.ing.šum.